

**গণপ্রজাতন্ত্রী বাংলাদেশ সরকার**  
**তথ্য অধিদফতর**  
**বাংলাদেশ সচিবালয়**  
**ঢাকা**

**সংবাদ গতিধারা**

জাতীয় দৈনিকসমূহে প্রকাশিত সংবাদ, সম্পাদকীয়’র সারসংক্ষেপ, গুরুত্বপূর্ণ নিবন্ধ ও ফিচারের সংক্ষিপ্তসার

সংখ্যা : ২১৫/২০১৭-১৮

ঢাকা, রোববার, ৬ মে ২০১৮, ২৩ বৈশাখ ১৪২৫

আজকের দৈনিক পত্রিকাগুলো নিম্নলিখিত বিষয় প্রাধান্য দিয়ে খবর ছেপেছে :

- ১। ঢাকায় ওআইসি পররাষ্ট্রমন্ত্রী পর্যায়ের ৪৫তম সম্মেলন শুরু  
রোহিঙ্গাদের পাশে দাঁড়াতে মুসলিম দেশসমূহের প্রতি প্রধানমন্ত্রীর আহ্বান
- ২। রোহিঙ্গাদের শান্তিপূর্ণ জীবন নিশ্চিতে ওআইসির সহযোগিতা চেয়েছেন রাষ্ট্রপতি
- ৩। সন্ত্রাসবাদের বিরুদ্ধে বাংলাদেশ বিশ্ব সম্প্রদায়ের সঙ্গে কাজ করতে আগ্রহী :  
সৌদি পররাষ্ট্রমন্ত্রীকে রাষ্ট্রপতি
- ৪। রোহিঙ্গা ইস্যুতে ঢাকাকে অব্যাহত সমর্থনের আশ্বাস কানাডার
- ৫। নিজের অধিকার নিজেই প্রতিষ্ঠা করে নারী : স্পিকার
- ৬। শিক্ষাপ্রতিষ্ঠানে সাড়ে ২২ হাজার নতুন ভবন নির্মাণ করা হবে : শিক্ষামন্ত্রী
- ৭। পাহাড়ে শান্তি বিনষ্টকারী সন্ত্রাসীদের ছাড় দেওয়া হবে না : স্বরাষ্ট্রমন্ত্রী
- ৮। এসএসসি ও সমমানের পরীক্ষার ফল প্রকাশ আজ
- ৯। বঙ্গবন্ধু স্যাটেলাইটের প্রাক-উৎক্ষেপণ পরীক্ষা সফলভাবে সম্পন্ন
- ১০। আজ থেকে টিসিবির পণ্য বিক্রি শুরু

চলমান পাতা-২

১। ঢাকায় ওআইসি পররাষ্ট্রমন্ত্রী পর্যায়ের ৪৫তম সম্মেলন শুরু

রোহিঙ্গাদের পাশে দাঁড়াতে মুসলিম দেশসমূহের প্রতি প্রধানমন্ত্রীর আহ্বান

ওআইসি'র ৪৫তম পররাষ্ট্রমন্ত্রীদের সম্মেলনের (সিএফএম) উদ্বোধনী ভাষণে প্রধানমন্ত্রী শেখ হাসিনা বিপন্ন রোহিঙ্গা জনগোষ্ঠীর পাশে দৃঢ়ভাবে দাঁড়াতে ওআইসির প্রতি আহ্বান জানান। রোহিঙ্গাদের নিজ দেশে ফেরাতে বাংলাদেশ ও মিয়ানমারের মধ্যে চুক্তি বাস্তবায়নের জন্য মিয়ানমারের ওপর আন্তর্জাতিক চাপ অব্যাহত রাখার আহ্বান জানান প্রধানমন্ত্রী শেখ হাসিনা। তিনি বলেন, রোহিঙ্গা জনগোষ্ঠী আমাদের সবার মতো মর্যাদার সঙ্গে বাঁচার ও জীবন-জীবিকার অধিকার রাখে। বঙ্গবন্ধু আন্তর্জাতিক সম্মেলনকেন্দ্রে গতকাল (৫ মে শনিবার) দুদিনব্যাপী সিএফএম সম্মেলনের উদ্বোধন করেন প্রধানমন্ত্রী। অনুষ্ঠানে আইভারিকোস্ট এর পররাষ্ট্রমন্ত্রী এবং ৪৪ তম সিএফএম'র সভাপতি মার্সেল আমন-তানোহ বাংলাদেশের পররাষ্ট্রমন্ত্রী আবুল হাসান মাহমুদ আলীর কাছে ৪৫ তম সিএফএম'র সভাপতিত্ব হস্তান্তর করেন। সূত্র : ইন্ডেফাক (পৃ.১,ক.৬), সংবাদ (পৃ.১,ক.৫), ডেইলি সান (পৃ.১,ক.১), ইভিপেনডেন্ট (পৃ.১,ক.১)।

২। রোহিঙ্গাদের শান্তিপূর্ণ জীবন নিশ্চিতে ওআইসির সহযোগিতা চেয়েছেন রাষ্ট্রপতি

রাষ্ট্রপতি মোঃ আবদুল হামিদ মিয়ানমারের রাখাইন রাজ্যে নিজ দেশে বৈষম্য, নিপীড়ন এবং পরিকল্পিত নির্যাতনে ক্ষতিগ্রস্ত রোহিঙ্গা মুসলমানদের শান্তিপূর্ণ জীবন নিশ্চিত করতে ওআইসি'র সহযোগিতা চেয়েছেন। গতকাল (৫ মে শনিবার) বঙ্গবন্ধনে ওআইসি পররাষ্ট্রমন্ত্রীদের সম্মানে দেয়া তোজসভায় রাষ্ট্রপতি মোঃ আবদুল হামিদ বলেন, ‘বাংলাদেশ এখন ১১ লাখের বেশি রোহিঙ্গা জনগোষ্ঠীর ভয়ানক চাপের মুখোমুখী। প্রতিবেশী মিয়ানমারে যা ঘটেছে সেটি কেবল আন্তর্জাতিক মানবাধিকার চুক্তিরই লজ্জন নয় বরং এটি জাতিগত নির্ধনের জলন্ত দৃষ্টান্ত।’ সূত্র : সংবাদ (শেষ পৃ.,ক.১), জনকর্ত্ত (শেষ পৃ.,ক.৭), অবজারভার (শেষ পৃ.,ক.১), এশিয়ান এজ (পৃ.৩,ক.৪)।

৩। সন্ত্রাসবাদের বিরুদ্ধে বাংলাদেশ বিশ্ব সম্প্রদায়ের সঙ্গে কাজ করতে আগ্রহী :

সৌদি পররাষ্ট্রমন্ত্রীকে রাষ্ট্রপতি

রাষ্ট্রপতি মোঃ আবদুল হামিদ বলেছেন, বাংলাদেশ সন্ত্রাসবাদ ও উগ্র-জঙ্গিবাদের বিরুদ্ধে সর্বদা জিরো টলারেন্স প্রদর্শন করে আসছে, অতএব সন্ত্রাসবাদ ও জঙ্গিবাদের বিরুদ্ধে লড়াইয়ে বাংলাদেশ বিশ্ব সম্প্রদায়ের সঙ্গে কাজ করতে প্রতিশ্রূতিবদ্ধ। সৌদি আরবের পররাষ্ট্রমন্ত্রী আদেল বিন আহমেদ আল জুবের গতকাল (৫ মে শনিবার) বঙ্গবন্ধনে রাষ্ট্রপতির সঙ্গে সাক্ষাৎ করতে এলে তিনি বলেন, ‘ইসলামে সন্ত্রাসবাদের কোনো জায়গা নেই, এ সন্ত্রাসবাদ নির্মূলে বাংলাদেশ সৌদি সরকারের সঙ্গে একসঙ্গে কাজ করবে।’ রাষ্ট্রপতি রিয়াদে ইসলামিক মিলিটারি কাউন্টার টেরোরিজম কোয়ালিশন (আইএমসিটিসি) গঠনে সৌদি বাদশাহ'র প্রচেষ্টার প্রশংসা করেন। সেখানে বাংলাদেশ প্রতিষ্ঠাতা সদস্য হিসেবে ঐ জোটে অংশ নেয়। সূত্র : সংবাদ (শেষ পৃ.,ক.১), জনকর্ত্ত (পৃ.১,ক.১), ডেইলি সান (পৃ.২,ক.২), ইভিপেনডেন্ট (পৃ.৩,ক.৭)।

৪। রোহিঙ্গা ইস্যুতে ঢাকাকে অব্যাহত সমর্থনের আশ্বাস কানাডার

সফররত কানাডার পররাষ্ট্রমন্ত্রী ক্রিস্টিয়া ফ্রিল্যান্ড রোহিঙ্গা ইস্যুতে বাংলাদেশের প্রতি তাঁর দেশের সমর্থন অব্যাহত রাখার বিষয়ে প্রধানমন্ত্রী শেখ হাসিনাকে আশ্রয় করে বলেছেন, কানাডা এ সমস্যার দ্রুত সমাধান চায়। গতকাল (৫ মে শনিবার) প্রধানমন্ত্রী শেখ হাসিনার সঙ্গে সাক্ষাতকালে কানাডার পররাষ্ট্রমন্ত্রী বলেন, ‘আমরা ১০ লাখেরও অধিক রোহিঙ্গাকে আশ্রয় দেওয়ায় বাংলাদেশের ভূমিকার প্রশংসা করি এবং এ সমস্যার সমাধানে বাংলাদেশকে আমরা সহযোগিতা দিতে প্রস্তুত রয়েছি।’ গতকাল (শনিবার) বঙ্গবন্ধু আন্তর্জাতিক সম্মেলনকেন্দ্রে ওআইসি পররাষ্ট্রমন্ত্রী পর্যায়ের ৪৫তম সম্মেলনের উদ্বোধনী পর্ব শেষে এ বৈঠক অনুষ্ঠিত হয়। প্রধানমন্ত্রী শেখ হাসিনা বলেন, বাংলাদেশ সংলাপের মাধ্যমে রোহিঙ্গা সমস্যার শান্তিপূর্ণ সমাধান চায়। তিনি এ সময় রোহিঙ্গা

ইস্যুতে কফি আনান কমিশনের রিপোর্টের বাস্তবায়নের ওপরও গুরুত্বারূপ করেন। সূত্র : জনকর্ত্ত (পৃ.১,ক.৬), ভোরের কাগজ (পৃ.১,ক.৮), অবজারভার (পৃ.১,ক.১)।

#### ৫। নিজের অধিকার নিজেই প্রতিষ্ঠা করে নারী : স্পিকার

জাতীয় সংসদের স্পিকার ড. শিরীন শারমিন চৌধুরী বলেছেন, প্রত্যেক নারীই তার নিজের অধিকার নিজেই প্রতিষ্ঠা করে। শত প্রতিকূলতা ও প্রতিবন্ধকতা জয় করে নারীরা এগিয়ে যায়। প্রীতিলতার জীবনী থেকে আমাদের শিক্ষা নিতে হবে। প্রীতিলতার শেষ চিঠি থেকে অনেক কিছুই শেখার আছে। গতকাল (৫ মে শনিবার) জাতীয় প্রেসক্লাবে ভোরের কাগজ ও প্রীতিলতা ট্রাস্ট-এর উদ্যোগে আয়োজিত আলোচনাসভায় প্রধান অতিথির বক্তব্যে তিনি এসব কথা বলেন। প্রীতিলতা ওয়েন্ডেদারের ১০৭তম জন্মবার্ষিকী উদ্ঘাপন উপলক্ষে এ সভার আয়োজন করা হয়। সূত্র : সমকাল (পৃ.৩,ক.৫), ভোরের কাগজ (পৃ.১,ক.৫), অবজারভার (পৃ.৩,ক.৬), এশিয়ান এজ (পৃ.১,ক.৮)।

#### ৬। শিক্ষাপ্রতিষ্ঠানে সাড়ে ২২ হাজার নতুন ভবন নির্মাণ করা হবে : শিক্ষামন্ত্রী

স্কুল-কলেজ ও মাদরাসার জন্য সাড়ে ২২ হাজার নতুন ভবন নির্মাণ করা হবে বলে জানিয়েছেন শিক্ষামন্ত্রী নুরুল ইসলাম নাহিদ। তিনি বলেন, ২০০৯ সাল থেকে এ পর্যন্ত স্কুল-কলেজ ও মাদরাসায় সাড়ে ১০ হাজার নতুন ভবন নির্মাণ করা হয়েছে। এর মধ্যে ২ হাজার ভবনের নির্মাণ কাজ চলমান রয়েছে। আরো ২২ হাজার ৫০০ ভবন নির্মাণ করা হবে। এ ভবনগুলো ৪ তলা থেকে ১০ তলা পর্যন্ত হবে। গতকাল (৫ মে শনিবার) রাজধানীর সেগুনবার্গিচায় আন্তর্জাতিক মাতৃভাষা ইনসিটিউট মিলনায়তনে শিক্ষা প্রকৌশল অধিদপ্তর আয়োজিত ২০১৭-২০১৮ সালের এডিপি বাস্তবায়নের লক্ষ্যে মাঠ পর্যায়ের প্রকৌশলীদের সাথে মতবিনিময় সভায় তিনি এসব কথা বলেন। সূত্র : ইনকিলাব (পৃ.১,ক.৫), সংবাদ (শেষ পৃ.ক.৩), ইভিপেনডেন্ট (পৃ.৪,ক.১), অবজারভার (পৃ.৪,ক.২)।

#### ৭। পাহাড়ে শান্তি বিনষ্টকারী সন্ত্রাসীদের ছাড় দেওয়া হবে না : স্বরাষ্ট্রমন্ত্রী

স্বরাষ্ট্রমন্ত্রী আসাদুজ্জামান খাঁন কামাল বলেছেন, পাহাড়ে শান্তি বিনষ্টকারী সন্ত্রাসীদের ছাড় দেয়া হবে না। যারা পাহাড়ের শান্তি বিনষ্ট করতে চায়, যারা উপজেলা চেয়ারম্যান হত্যাসহ ৬ জনকে হত্যায় জড়িত, তাদের খুঁজে বের করা হবে। গতকাল (৫ মে শনিবার) রাজধানীর বাংলা একাডেমি'র আবুল করিম সাহিত্য বিশারদ মিলনায়তনে স্বাধীনতার ৪৭ বছর পূর্তিতে 'গৌরব ৭১' আলোচনা অনুষ্ঠান, গ্রন্থের মোড়ক উন্মোচন এবং বীর মুক্তিযোদ্ধা ও গুণীজন সম্মাননা-২০১৮ শীর্ষক অনুষ্ঠান শেষে সাংবাদিকদের তিনি এ কথা বলেন। সূত্র : ইত্তেফাক (পৃ.১,ক.৩), সংবাদ (পৃ.১,ক.৬), ইভিপেনডেন্ট (পৃ.১৫,ক.১)।

#### ৮। এসএসসি ও সমমানের পরীক্ষার ফল প্রকাশ আজ

দেশের ১০ শিক্ষা বোর্ডের অধীন এসএসসি ও সমমানের পরীক্ষার ফল আজ প্রকাশিত হবে। সকাল ১০টায় প্রধানমন্ত্রী শেখ হাসিনার কাছে ফলাফল হস্তান্তর করবেন শিক্ষামন্ত্রী নুরুল ইসলাম নাহিদ। এরপর শিক্ষামন্ত্রী আনুষ্ঠানিকভাবে ফলের বিস্তারিত তুলে ধরবেন। তারপর শিক্ষার্থীরা স্ব স্ব বোর্ডের ওয়েবসাইট, মোবাইলের এসএমএস ও নিজ নিজ প্রতিষ্ঠান থেকে ফল জানতে পারবেন। সূত্র: ইত্তেফাক (পৃ.১,ক.৫), জনকর্ত্ত (পৃ.১,ক.১), ডেইলি সান (পৃ.১,ক.১), ইভিপেনডেন্ট (পৃ.১৫,ক.৮)।

#### ৯। বঙ্গবন্ধু স্যাটেলাইটের প্রাক-উৎক্ষেপণ পরীক্ষা সফলভাবে সম্পন্ন

বঙ্গবন্ধু স্যাটেলাইট-১-এর প্রাক-উৎক্ষেপণ পরীক্ষা সফল হয়েছে বলে দাবি করেছে যুক্তরাষ্ট্রের বেসরকারি মহাকাশ গবেষণা ও প্রযুক্তি প্রতিষ্ঠান স্পেস এক্স। গত ৪ মে শুক্রবার স্থানীয় সময় অরল্যান্ডোর কেনেডি স্পেস সেন্টারে প্রাক-উৎক্ষেপণ পরীক্ষা সফলভাবে সম্পন্ন হয়েছে। বাংলাদেশের প্রথম এ স্যাটেলাইট উৎক্ষেপণের দায়িত্বে থাকা স্পেস এক্সের টুইটবার্টার বরাত দিয়ে ফ্লোরিডা টুডে এক প্রতিবেদনে এ তথ্য জানিয়েছে। এর সত্যতা নিশ্চিত করে বাংলাদেশ টেলিকমিউনিকেশন রেগিলেটরি কমিশনের চেয়ারম্যান ড. শাহজাহান মাহমুদ

গতকাল (৫ মে শনিবার) বলেন, বঙ্গবন্ধু স্যাটেলাইট-১-এর প্রাক-উৎক্ষেপণ পরীক্ষা সফলভাবে সম্পন্ন হয়েছে। সূত্র : যুগান্তর (পৃ.১,ক.২), প্রথম আলো (পৃ.৩,ক.৭), ডেইলি সান (পৃ.১,ক.৮), ইন্ডিপেন্ডেন্ট (পৃ.১,ক.৬)।  
১০। আজ থেকে টিসিবির পণ্য বিক্রি শুরু

আসন্ন রমজান উপলক্ষে ঢাকাসহ সারাদেশে আজ থেকে স্বল্প মূল্যে ১৮৪টি ভার্যমান ট্রাকে পণ্য বিক্রি শুরু করছে ট্রেডিং করপোরেশন অভি বাংলাদেশ (টিসিবি)। এ কর্মসূচির আওতায় ভোজ্যতেল, চিনি, ডাল, ছোলা এবং খেজুর বিক্রি হবে। টিসিবি সূত্রে এ তথ্য জানা গেছে। সূত্র : যায়বায়দিন (শেষ পৃ.,ক.৫), সমকাল (পৃ.২,ক.২)।

### সম্পাদকীয়

- ক. **ইন্ডেফাক** : সড়ক-মহাসড়কে অপরিকল্পিত গতিরোধকই অনেক সময় ভয়াবহ দুর্ঘটনার কারণ হয়ে পড়ায় বেতার তরঙ্গভিত্তিক প্রযুক্তির গতিরোধক ব্যবহারের পাশাপাশি সড়কে মার্কিং ও সাইন-সিম্বল-সিগনাল ঠিকমত দেওয়ার আহ্বান।
- খ. **জনকর্ত্ত**, যুগান্তর, ইনকিলাব, যায়বায়দিন, ইন্ডিপেন্ডেন্ট, ডেইলি স্টার : পার্বত্য জেলা রাঙামাটির নানিয়ারচর উপজেলায় সন্ত্রাসী হামলায় হতাহতের ঘটনা ঘটার পরিপ্রেক্ষিতে পাহাড়ে শান্তি প্রতিষ্ঠায় উদ্যোগ নেওয়ার সুপারিশ।
- গ. **জনকর্ত্ত** : চলাচল নিরাপদ করতে রাজধানীতে ফুটওভার ব্রিজ ও আন্ডারপাস ব্যবহার বাড়াতে নাগরিক সচেতনতা সৃষ্টির ব্যবস্থা করার প্রত্যাশা।
- ঘ. **যায়বায়দিন**, ভোরের কাগজ : আসন্ন রমজানে দ্রব্যমূল্য নিয়ন্ত্রণে রাখতে সংশ্লিষ্ট কর্তৃপক্ষের আগাম প্রস্তুতি নেওয়ার সুপারিশ।
- ঙ. **বণিক বার্তা** : রাজধানীর সদরঘাট-গাবতলী রংটের ওয়াটার বাসের যাত্রীসেবার মান উন্নয়নে পদক্ষেপ নেওয়ার ওপর গুরুত্বারোপ।
- চ. **ইন্ডিপেন্ডেন্ট** : বিশ্বায়নের সাথে তাল মিলাতে দেশের উচ্চশিক্ষার গুণগত মান উন্নয়নে সংশ্লিষ্ট কর্তৃপক্ষের সচেতন হওয়ার আহ্বান।।
- ছ. **ডেইলি সান** : রাজধানীর ৫০টি ক্লিনিকের ১৫০ জন দালাল ঢাকা মেডিকেলসহ সরকারি হাসপাতাল থেকে রোগী ভাগিয়ে নেওয়ার কাজে জড়িত থাকার বিষয় তুলে ধরে সরকারি হাসপাতাল দালালমুক্ত রাখার ব্যবস্থা করার আহ্বান।
- জ. **ডেইলি স্টার** : মৌলভীবাজারের কমলগঞ্জ উপজেলায় স্কুল সংলগ্ন স্থানে ইটভাটা স্থাপনে শিক্ষার্থীদের স্বাস্থ্য বুঁকি দেখা দেওয়ায় সংশ্লিষ্ট প্রশাসনকে এ ব্যাপারে দ্রুত পদক্ষেপ নেওয়ার সুপারিশ করে সম্পাদকীয় প্রকাশ।

### উপসম্পাদকীয়

যুগান্তর পত্রিকায় প্রকাশিত কলামে উল্লেখ করা হয়েছে, প্রযুক্তি সেবার উন্নয়নে বুদ্ধিচর্চার সুযোগ বাড়াতে হবে।

### নিবন্ধ ও ফিচার

সংবাদ পত্রিকায় প্রকাশিত ‘দূষিত বায়ুর শহর ঢাকা, নেই প্রতিরোধ’ শিরোনামের নিবন্ধে অভিমত প্রকাশ করা হয়েছে, শুধু আইন করে দূষণ রোধ সম্বর না হওয়ায় এ ব্যাপারে সচেতনতা এবং সম্মিলিত প্রচেষ্টা প্রয়োজন।

#

